

Dewleta Tirk duh 25 'ê Kanûnê bi êrîşên hewayî ku heta derengiya şevê dom kir, li bakurrojhilatê Sûriyeyê dest bi êrîşeke mezin kir. Di êrîşan de herî kêr 8 kesan jiyana xwe ji dest dan, 15 kes jî birîndar bûn.

Hedefa sereke ya van êrîşan binesaziya bajêr bû. Li Kobanê klînîkek nexweşên derve a şekir ku ji aliyê komeleyeke Elman ve tê destekirin, hat bombekirin û xerakirin. Şensî bû, klînîk ji bo betlaneya rojbûna Mesîh hatibû girtin û tu zerarên mirovî û birîndar nehatin ragihandin.

Ev navend bi giranî bi rêya klînîkeke gerok xizmeta extiyarên li bajar û gundên Kobanê dikir. Niha derfet a wergirtina heman xizmetan nîne. Bi şensî, ji ber betlaneya Noelê klînîk hate girtin û ti birîndar nehatin ragihandin.



Klînîka nexweşên derve a Şekir a li Kobanê, piştî êrîşa hewayî ya artêşa Tirk (Wêne ji aliyê komeleya, Elmanyî ve hatye kişandin)

Li Bajarê Qamişlo navendeke diyalîzên gurçikan ku mehane di navbera 650-700 nexweşên ku hewcedariya wan bi danîşîna diyalîzê ya heftane heye, xizmetê dike û depoya oksîjenê ji bo peydakirina dermanan hate hedefgirtin.



Navenda diyalîza gurçkan li Qamişlo (wêne ji milê ofîsa ragihandina HSK ve hatye kişandin )

Hedefgirtina çapxaneya sereke ya pirtûkên xwendekaran li Bakur-Rojhilatê Sûriyê (Sîmav) ku di encamê de 6 xebatkarên wê yekser jiyana xwe ji dest dan. Ev çapxane li zêdetirî 4 hezar û 400 dibistanên herêma pirtûkan li zêdetirî 800 hezar xwendekaran belav dike. Her wiha du kargehên hilberîna çîmentoyê, depoya embara a genim, kargeheke zeytê, aşê ard û Tehîniyê, kargeheke plastîk, kargeheke temîrkirina erebeyan û holeke şahiyên (şensî bû ku wê demê dawet çênedibû). Ji ber hedefgirtina stasyonên ceyranê û petrolê ceyran ji bajarê Qamişlo, 9 bajarok û 2680 gundan qut dibe. Di nav de firne, navendên tenduristî û giştî.



Simav printing press in Qamishli city (Picture by KRC media office)



Tevî aramiya nisbî ya ku vê dawiyê di kirîza Sûriyê de li eniyên şer û koçberbûna navxweyî ya mezin hat dîtin, li bakurê Sûriyê rewş bi tevahî cûda ye. Niştecihên wê ji ber bombebarana berdewam a Tirkîyê û firokeyên bêfirokevan li dijî sivîlan û binesaziya bingehîn: stasyonên elektrîkê, stasyonên petrolê, nanpêjxane, kargehên çîmentoyê, navendên tenduristiyê, û navendên perwerdehiya zarokan, rastî şert û mercên jiyane yê dijwar tî. Êrîş û ziyan bi salan e berdewam in û ji Cotmeha 2022-an vir ve li dijî binesaziya sivîl pir zêde bûne. Ji bo sererastkirina van ziraran dê bi salan xebat û fonên mezin hewce bike.

Bakurê Rojhilatê Sûriyeyê ji bilî kêmbûna çavkaniyên enerjîyê yê weke gaz û sotemeniyê, ji xwe krîza giran a xwarinê dijî. Êrîşên dawî yê li dijî binesaziyê, wê trajediya însanî ya li Bakurrojhilatê Sûriyeyê zêde bike.

Tirsa daîmî ya êrîşên nû yê bi dronan, bandoreka kûr li ser tendiristîya derûnîya xelkê dike û bi taybetî jî zarokan.

Di mehên borî de êrîşên bêmirov ên berdewam, qutkirina avê wekî kiryareke şer li dijî mîlet, krîza kolerayê ya ku didome, berdewamkirina çalakiyên DAÎŞ'ê û bi hezaran kesên koçber bûne nîşaneyên zelal ku em hê jî di rewşeke awarte re derbas dibin û herêm qet ne aram e. Bi salan e alîkariya mirovî her tim kêmbûne û hewcehiyên mirovî bi çavkaniyên me yê sîncardar gerek bîne çareserkin.

Rewşa niha ya kamp, niştecihbûnên ne fermî, navendên binçavkirinê û girtîgehên li Bakur û Rojhilatê Sûriyê: Rêveberiya Xweser a Bakur û Rojhilatê Sûriyê niha bi deh hezaran li kamp û niştecihgehên ne fermî li hemû Bakur û Rojhilatê Sûriyê wan bicih dike. Ev kamp ji şerê li dijî Daişê, kesên ku di salên 2018 û 2019'an de ji êrîşên dagirkeriya Tirk reviyane, kesên ku ji şerê li Idlib an jî herêmên din ên başûrê Sûriyeyê reviyane û herî dawî jî kesên ku di dema erdhejê de malên xwe wînda kirine, bicih dikin.

Rêjeya cîbicîkirinê û vegirtina kampên li bakurê Sûriyê gihîştîye karîna xwe ya herî dawî û di xizmetên bingehîn ên wekî xizmeta tendûristî, xwarin, perwerde û piştgiriya psîkolojîk de kêmbûnek mezin heye. Nemaze rewşa kampa El-Hol tê re derbas dibe. Kamp hê jî nêzîkî 60.000 kes dihewîne, piraniya wan malbatên Dewleta Îslamî ne û gelek ji wan ji welatên Ewropayê ne. Kamp ji xwe niha di nava niştecihan de ji bo radîkalbûnê wek navenda xizmetê ye. Malbatên DAÎŞ'î ji bo bibin leşkerên nû yê Dewleta Îslamî zarokên xwe mezin dikin. Beriya niha jî tîra xwe hêza bersivdayîna vê rewşê tune bû û tunebûna alîkariya mirovî û rewşa nebaş a jiyani radîkalbûna şênîyên kampê zêde dikir.

Êrîşkariya Tirk a niha, wê aloziya li nava kampê zêde bike û di hewldanên xwe yê ji bo bandorkirin û radîkalkirinê Dewleta Îslamî hêsan bike.

Girtîgeh û navendên binçavkirinê yê li bakurrojhilatê Sûriyeyê, ji hezaran DAÎŞ'î yê navneteweyî re mêvandariyê dikin. Şert û mercên binesazî û binyatanî gelekî nebaş in, pîvanên paqijiyê lawaz in û li gorî vê yekê gelek nexweşî li girtîgeh û navendên ragirtinê belav dibin. Kêmasiyeke girîng a cih heye. Şênî hê jî metirsîdar in û ti hêz ji bo sererastkirinê ji şênîyan re tune ye. Li zindanan jî DAÎŞ çalakiya xwe didomîne û her ku diçe xurttir dibe.

Ne aramiya tevahiya herêmê di encama şerê navxweyî yê 12 salan de, guhertina avhewayê, êrîşên dewleta Tirk ên domdar ji salan ve û bi taybetî êrîşa mezin a niha dewam dike, şert û mercên pir baş diafirîne ku DAÎŞ ji nû ve xurt bibe. Radîkalbûyîn



wê zêde bibe, penaberî zêde bibe, pêwîstiya alikarê însanî zêde bibe, hejmara penaberên li jiyaneke ewle digerin wê zêde bibe.

Li gorî rêjeyên Xaça Sor ji sedî 90 'ê xelkê Suriyê di bin sînorê xizaniyê de dijîn. Li gorî Neteweyên Yekbûyî 16,7 milyon kes hewcedarî alîkariya mirovî ne li Sûriyê ku nêzî 6 milyon kes li herêmên Bakur û Rojhilatê Sûriyê dijîn. Tevî wê jî dewleta Tirkî aşên ard û firinên herêmê dike hedef û bi hezaran malbat ji nan mehrûm dibin.

Weke rêxistineke însanî ya herêmî û karkerên xwecihî yê ji sala 2012 'an û vir ve li herêmê dixebitin, em dikarin êşên sivîlan nas bikin û pê re bihest bibin. Gelek kesên ku ji Sûriyê û bi taybet bakurê Sûriyê koçber bûne, di serî de da ku jiyaneke ewle û baştir ji zarokên xwe re peyda bikin û karibin mîna her zarokê li vê cîhanê bijîn.

Dewleta Turk hewl dide gel ji herêmê dûr bixîne da ku demografiya bakur û Rojhilatê Sûriyeyê biguherîne, mîna hewldanên xwe yê li herêmên din ên Kurdan mîna Efrînê ji Sibata 2018'an ve. Tevî rêûresm û qedexeyên dawî yê li ser rêyên koçberiyê yê ber bi Ewropayê ve ji aliyê Yekîtiya Ewropayê ve, êrîşên Tirkiyê yê li ser sivîlan û binasaziya dê û bavan diajon ku birevin û xeteriyên ku zarokên xwe ji êrîşkariya Tirk rizgar bikin, tevî ku dizanin xeteriyên rêwiyan koçberiyê an jî derbasbûnên deryayê.

Rêya tekane ji bo kêmkirina beşek ji azarên sivîlan, bi rêya zexteke navdewletî da ku Tirkiyê ji hedefgirtina sivîlan, saziyên tenduristiyê û binasaziya din a ji bo rewşa jiyana ya şênîyan Bakur û Rojhilatê Sûriyê raweste.

Heyva Sor a Kurd – Qamişlo

(Bi temambûna vê raporê re, di êvara 26 'ê Kanûnê de careke din topbarana giran a li qamişloyê ji nû ve destpê kiribû.)